



Կարգապահական գործ թիվ ԿԳ-25083

Հայաստանի Հանրապետության փաստաբանների պալատի
կարգապահական հանձնաժողովի

Ո Ր Ո Շ ՈՒ Մ

**ՓԱՍՏԱԲԱՆ ԹԵՀՄԻՆԵ ՄԵՐՈՒԺԱՆԻ ՀՈՎՍԵՓՅԱՆԻՆ ԿԱՐԳԱՊԱՀԱԿԱՆ
ՊԱՏԱՍԽԱՆԱՏՎՈՒԹՅԱՆ ԵՆԹԱՐԿԵԼՈՒ ՀԱՐՑԸ ՔՆՆԱՐԿԵԼՈՒ ՄԱՍԻՆ**

Հայաստանի Հանրապետության փաստաբանների պալատի կարգապահական հանձնաժողովը (**այսուհետև նաև՝ Հանձնաժողով**), Հանձնաժողովի նախագահ՝ Տաթևիկ Շալջյանի, Հանձնաժողովի գեկուցող անդամ՝ Արաքս Վարդանյանի, Հանձնաժողովի անդամներ՝ Կարինե Բաղդասարյանի, Միքայել Դանիելյանի, Գուրգեն Թորոսյանի և Կարեն Խալաթյանի կազմով,

քարտուղարությամբ՝ Մերի Տերտերյանի,

մասնակցությամբ՝ փաստաբան Թեհմինե Հովսեփյանի, դիմող Էրիկ Ավանեսյանի և վերջինիս ներկայացուցիչ Լուսինե Սարգսյանի,

քննության առնելով փաստաբան Թեհմինե Մերուժանի Հովսեփյանին (արտոնագիր՝ թիվ 1214), (**այսուհետև նաև՝ Փաստաբան կամ Պատասխանող**), կարգապահական պատասխանատվության ենթարկելու վերաբերյալ հարցը՝

Պ Ա Ր Ձ Ե Ց՝

1. Կարգապահական վարույթ հարուցելու առիթը և հիմքը.

Քաղաքացի Էրիկ Ավանեսյանը (**այսուհետև նաև՝ Դիմող**), դիմելով Հայաստանի Հանրապետության փաստաբանների պալատ (**այսուհետև նաև՝ Պալատ**), հայտնել է, որ փաստաբան Թեհմինե Մերուժանի Հովսեփյանի հետ 15.09.2022թ. կնքել է փաստաբանական ծառայությունների մատուցման պայմանագիր, որով Փաստաբանը ստանձնել է նրա իրավունքների պաշտպանությունը: Պայմանագրի գինը կազմել է 400.000 ՀՀ դրամ:

Դիմողի պնդմամբ, Փաստաբանը բանավոր հայտնել է, որ խնդիրը լուծման է ենթակա վարչական դատավարության կարգով, սակայն նա դիմել է քաղաքացիական դատարան, որը մերժել է դիմումի վարույթ ընդունելը, որի դեմ Փաստաբանը վերաքննիչ բողոք չի ներկայացրել, մինչդեռ՝ պայմանագրով ուներ նման պարտավորություն: Դիմողը նշել է նաև, որ այլ տեսակի հայցադիմում է անհրաժեշտ եղել ներկայացնել դատարան, սակայն Փաստաբանը սխալվել է և հրաժարվել է նաև վերադարձնել Դիմողի կողմից վճարված գումարը:

Վերոգրյալի հաշվառմամբ՝ Դիմողը խնդրել է փաստաբան Թեհմինե Հովսեփյանի նկատմամբ հարուցել կարգապահական վարույթ:

Թիվ ԿԳ-25083-3-Ա

14.01.2026թ.



որպեսզի 2018թ. կնքած առուվաճառքի պայմանագրի հիմքով վերականգնվի իր սեփականության իրավունքը: Կադաստրի կոմիտեից մերժում է ստացել այն հիմքով, որ մեղմացնող հանգամանքներ առկա չեն և ՍԴ դատարանի որոշման հիմքով իրավունքի գրանցում չի կարող կատարվել: Ուսումնասիրելով դատական պրակտիկան, հանգել է հետևության, որ վարչական դատարանը մերժում է նմանատիպ բոլոր հայցերը, և Դիմողի և նրա կնոջ հետ եկել են համաձայնության, որ անհրաժեշտ է դիմել քաղաքացիական դատարան՝ գործարքը վավեր ճանաչելու և էրիկ Ավանեսյանի սեփականության իրավունքը ճանաչելու պահանջով, ինչը արել է՝ իր պնդմամբ Դիմողի հետ համապատասխան պայմանագիր կնքելուց հետո, որն իր մոտ չի պահպանվել:

Թիվ ԵԴ2/10038/02/24 քաղաքացիական գործով իրավաբանական նշանակություն ունեցող փաստը հաստատելու պահանջը դատարանի կողմից վարույթ չի ընդունվել, ինչի դեմ ինքը սահմանված ժամկետում վերաքննիչ բողոք է բերել, ինչի մասին Դիմողը չի էլ իմացել: Վերաքննիչ դատարանը մերժել է բողոքը՝ գտնելով, որ նշված պահանջը պետք է քննվեր ոչ թե հատուկ, այլ հայցային վարույթով: Դիմողը և կինը հրաժարվել են վճարել բողոք ներկայացնելուց:

Հանձնաժողովի հարցերին ի պատասխան՝ Փաստաբանը նշել է, որ պայմանագրերի իր օրինակները չի պահպանել իր մոտ, այլ դատարան է ներկայացրել, իսկ ինչ վերաբերում է վերաքննիչ բողոք չներկայացնելուն, ապա Դիմողի հրաժարումը եղել է բանավոր:

3. Կարգապահական վարույթ հարուցելու մասին որոշումը.

Պալատի նախագահի 25.08.2025 թվականի թիվ 262-Ա/ԿԳ-25083 որոշմամբ փաստաբան Թեհմինե Հովսեփյանի նկատմամբ **Օրենքի 19-րդ հոդվածի 1-ին մասի 1-ին և 2-րդ կետերի**, ինչպես նաև Փաստաբանի վարքագծի կանոնագրի **(այսուհետ նաև՝ Կանոնագիրը)** 2.7.1 և 3.5.5 և ենթակետերի խախտման հատկանիշներով հարուցվել է կարգապահական վարույթ:

29.08.2025թ. կարգապահական գործի նախապատրաստումը հանձնարարվել է Պալատի աշխատակազմի սպասարկող անձնակազմի աշխատակից Շուշան Հարությունյանին **(այսուհետև նաև՝ Աշխատակից)**:

3.1. Վկաների ցուցմունքները.

Սույն կարգապահական գործով վկաներ չեն հրավիրվել:

4. Կարգապահական գործ նախապատրաստող Աշխատակցի եզրակացությունը և գործի հանձնումը Հանձնաժողովին.

Գործի նախապատրաստման արդյունքում Աշխատակիցը 29.10.2025թ. կազմել է եզրակացություն:

Կարգապահական գործը Պալատի Հանձնաժողովին է հանձնվել 29.10.2025թ.:

Հանձնաժողովի նիստերը տեղի են ունեցել՝ 26.11.2025թ. ժամը 19:30-ին, 03.12.2025թ. ժամը 18:30-ին, 14.01.2026թ. ժամը 19:30-ին ՀՀ փաստաբանների պալատի վարչական շենքում (ք.Երևան, Զաքյան 7-2, 4-րդ հարկ, թիվ 12 սենյակ):

5. Գործի հանգամանքները՝ առկա ապացույցների վկայակցմամբ. Հանձնաժողովը, ուսումնասիրելով գործում առկա ապացույցները, հաշի առնելով



նաև կարգապահական գործը նախապատրաստող Աշխատակցի եզրակացությունը, հաստատված է համարում հետևյալ փաստերը.

1. Փաստաբան Թեհմինե Հովսեփյանը ստանձնել է Էրիկ Ավանեսյանի շահերի պաշտպանությունը: Սույն փաստը հաստատվում է Թեհմինե Հովսեփյան ԱԶ-ի և Էրիկ Ավանեսյանի միջև 15.09.2022թ. և 25.11.2022թ. կնքված փաստաբանական ծառայությունների մատուցման պայմանագրերի պատճեններով:

2. Էրիկ Յուրայի Ավանեսյանի ներկայացուցիչը հայցադիմում է ներկայացրել Երևան քաղաքի առաջին ատյանի ընդհանուր իրավասության դատարան (**այսուհետ նաև՝ Դատարան**) ընդդեմ պատասխանող Ծաղիկ Հակոբի Բաբուջյանի՝ խնդրելով վավեր ճանաչել Ծաղիկ Հակոբի Բաբուջյանի և Էրիկ Յուրայի Ավանեսյանի միջև 14.02.2018 թվականին կնքված, Մալաթիա նոտարական տարածքի նոտար Աննա Թովմասյանի կողմից վավերացված, գրանցամատյանում 0413 համարի ներքո գրանցված՝ անշարժ գույքի (բնակարանի) տարածամկետ վճարումով առքուվաճառքի պայմանագիրը և որպես հետևանք ճանաչել Էրիկ Յուրայի Ավանեսյանի սեփականության իրավունքը՝ քաղաք Երևան, Մալաթիա-Սեբաստիա, Անդրանիկի փողոց, 8 շենք, թիվ 30 բնակարանի նկատմամբ: Սույն փաստը հաստատվում է հայցադիմումի պատճենով:

3. 07.11.2022թ. Փաստաբանի կողմից Երևան քաղաքի առաջին ատյանի ընդհանուր իրավասության դատարան հասցեագրված հայցադիմումը ստացել է ԵԴ/57508/02/22 համարը, ընդունվել է վարույթ և նշանակվել է դատական նիստի օր: Սույն փաստը հաստատվում է Փաստաբանի ներկայացրած առարկությամբ, հայցադիմումով և «Դատալեքս» դատական տեղեկատվական համակարգում առկա տեղեկատվությամբ:

4. 10.12.2024թ. Դատարանը որոշել է թիվ ԵԴ/57508/02/22 քաղաքացիական գործով՝ ըստ հայցի Էրիկ Յուրայի Ավանեսյանի ընդդեմ Ծաղիկ Հակոբի Բաբուջյանի՝ գործարքը վավեր ճանաչելու և որպես հետևանք սեփականության իրավունքը ճանաչելու պահանջների մասին՝ կիրառել արագացված դատաքննություն: Սույն փաստը հաստատվում է «Դատալեքս» դատական տեղեկատվական համակարգում առկա տեղեկատվությամբ:

5. 10.01.2025թ. Դատարանը վճռել է Դիմողի հայցը մերժել, որում նշել է հետևյալը. «Տվյալ դեպքում Դատարանը, արձանագրելով, որ ձևակերպված՝ գործարքը վավեր ճանաչելու և գործարքի վավերության հերևանք կիրառելու հայցապահանջը ներկայացված **փաստակազմով ակնհայտ անհիմն է՝** դրա հիմքում դրված փաստերի համապետքում, գտնում է, որ հայցն ակնհայտ անհիմն է և ենթակա է մերժման»: Սույն փաստը հաստատվում է «Դատալեքս» դատական տեղեկատվական համակարգում առկա տեղեկատվությամբ:

6. 25.11.2024թ. Փաստաբանի կողմից Երևան քաղաքի առաջին ատյանի ընդհանուր իրավասության դատարան է հասցեագրել դիմում՝ իրավաբանական նշանակություն ունեցող փաստը հաստատելու պահանջի մասին, որը ստացել է ԵԴ/2/10038/02/24 համարը: Սույն փաստը հաստատվում է «Դատալեքս» դատական տեղեկատվական համակարգում առկա տեղեկատվությամբ:

7. 06.12.2024թ. Դատարանը վերադարձնել է Դիմողի դիմումը, որում նշել է հետևյալը. «Տվյալ դեպքում դիմողը պահանջել է հաստատել հերևյալ իրավաբանական նշանակություն ունեցող փաստը. «Էրիկ Յուրայի Ավանեսյանի և Ծաղիկ Հակոբի Բաբուջյանի միջև 14.02.2018 թվականին կնքված, Մալաթիա նոտարական տարածքի նոտար Աննա Թովմասյանի կողմից վավերացված, գրանցամատյանում 0413-ով գրանցված, անշարժ



գույքի (բնակարանի) փարաժամկետը վճարումով առուվաճառքի պայմանագրի հիմքով Երևան քաղաքի, Անդրանիկի փողոց 8 շենքի թիվ 30 բնակարանի նկարմամբ ճանաչել էրիկ Յուրայի Ավանեսյանի սեփականության իրավունքը»: Մինչդեռ նման փաստը նախատեսված չէ ինչպես ՀՀ քաղաքացիական դատավարության օրենսգրքի 237-րդ հոդվածի 2-րդ մասով, այնպես էլ որևէ օրենքով, որպիսի պայմաններում Դատարանը չի կարող այդպիսի պահանջով ներկայացված դիմումն ընդունել վարույթ:»: Սույն փաստը հաստատվում է «Դատալեքս» դատական տեղեկատվական համակարգում առկա տեղեկատվությամբ:

8. 06.12.2024թ. «Դիմումը վերադարձնելու մասին» Դատարանի որոշումը էրիկ Յուրայի Ավանեսյանի կողմից բողոքարկվել է ՀՀ վերաքննիչ քաղաքացիական դատարան: 17.04.2025թ. ՀՀ վերաքննիչ քաղաքացիական դատարանը որոշել է Դիմողի ներկայացրած վերաքննիչ բողոքը մերժել: 17.04.2025թ. ՀՀ վերաքննիչ քաղաքացիական դատարանի որոշումը օրինական ուժի մեջ է մտնում կայացման պահից և ենթակա չէ բողոքարկման: Սույն փաստը հաստատվում է «Դատալեքս» դատական տեղեկատվական համակարգում առկա տեղեկատվությամբ:

6. Պատասխանողի անձը բնութագրող հանգամանքները.

Պալատի աշխատակազմի ղեկավարի կողմից տրված տեղեկանքի համաձայն՝ Թեհմինե Հովսեփյանը փաստաբան է հանդիսանում 15.10.2011 թվականից, և 2020-2025թթ ընկած ժամանակահատվածում Փաստաբանը չունի կարգապահական տույժ:

7. Պալատի Հանձնաժողովի պատճառաբանված եզրակացությունը և որոշումը.

Հանձնաժողովը գտնում է, որ փաստաբան Թեհմինե Հովսեփյանը ենթակա է կարգապահական պատասխանատվության՝ Օրենքի 19-րդ հոդվածի 1-ին մասի 1-ին և 2-րդ կետերի, ինչպես նաև Կանոնագրքի 2.7.1 և 3.5.5 ենթակետերի պահանջների խախտման համար:

Օրենքի 19-րդ հոդվածի 2-րդ կետի համաձայն՝ փաստաբանը պարտավոր է պահպանել նույն օրենքի, փաստաբանի վարքագծի կանոնագրքի և փաստաբանների պալատի կանոնադրության պահանջները:

Օրենքի 39-րդ հոդվածի 1-ին մասի համաձայն՝ փաստաբանը ենթակա է կարգապահական պատասխանատվության սույն օրենքի և փաստաբանի վարքագծի կանոնագրքի պահանջները խախտելու համար, ... :

Օրենքի 39-րդ հոդվածի 2-րդ մասի համաձայն՝ Փաստաբանի նկարմամբ կարգապահական վարույթն իրականացվում է օրինականության, օրենքի և փաստաբանների պալատի առջև հավասարության, մրցակցության, կարարված կարգապահական խախտման համար նշանակվող կարգապահական տույժի համաչափության և անմեղության կանխավարկածի սկզբունքների հիման վրա:

Օրենքի 39.1-ին հոդվածի 1-ին մասի 1-ին և 2-րդ կետերի համաձայն՝ փաստաբանին կարգապահական պատասխանատվության ենթարկելու հիմքերն են՝ սույն օրենքի պահանջների խախտումը, որը կատարվել է դիտավորությամբ կամ կոպիտ անփութությամբ, ինչպես նաև փաստաբանի վարքագծի կանոնագրքի պահանջների խախտումը, որը կատարվել է դիտավորությամբ կամ կոպիտ անփութությամբ:

Օրենքի 39.1-ին հոդվածի 5-րդ մասի համաձայն՝ Փաստաբանը ենթակա չէ կարգապահական պատասխանատվության մեղքի բացակայության դեպքում:



Օրենքի 39.1-ին հոդվածի 6-րդ մասի համաձայն՝ կարգապահական խախտման համար փաստաբանը համարվում է անմեղ, քանի դեռ նրա մեղքն ապացուցված չէ սույն օրենքով սահմանված կարգով՝ Կարգապահական հանձնաժողովի՝ կարգապահական պարասխանարվության ենթարկելու մասին ուժի մեջ մտած որոշմամբ: Փաստաբանի կարարած կարգապահական խախտման վերաբերյալ չփարատված կասկածները մեկնաբանվում են փաստաբանի օգտին:

Օրենքի 1-ին մասի 1-ին կետի համաձայն՝ Փաստաբանների պալատի կարգապահական հանձնաժողովը կարճում է փաստաբանին կարգապահական պարասխանարվության ենթարկելու վերաբերյալ վարույթն այն դեպքում, երբ՝ առկա չէ կարգապահական պարասխանարվության ենթարկելու հիմք:

Ներկայացված նորմերի համադրության և վերլուծության արդյունքում կարելի է փաստել, որ Օրենքով սահմանված են որոշակի վավերապայմաններ, որոնց առկայության դեպքում միայն կարգապահական վարույթի շրջանակներում կարող է քննարկվել փաստաբանին կարգապահական պատասխանատվության ենթարկելու հարցը: Նշված վավերապայմաններն իրենց հերթին ենթադրում են փաստաբանի վարքագծում Օրենքի և Կանոնագրքի պահանջների խախտման առկայությունը, որը կատարվել է դիտավորյալմբ կամ կոպիտ անփութությամբ:

Ընդ որում, նման վավերապայմանների ամրագրումն ինքնանպատակ չէ և ըստ էության նպատակաուղղված է կարգապահական վարույթի իրականացմանը՝ օրինականության, հավասարության, մրցակցության, համաչափության և անմեղության կանխավարկածի սկզբունքների հիման վրա:

Այս համատեքստում, կարգապահական վարույթի շրջանակներում առանձնակի նշանակություն է ձեռք բերում փաստաբանի վարքագծում համապատասխան խախտումների հատկանիշների առկայության ապացուցման հանգամանքը, ինչի անտեսումը կամ չապահովումը թույլ է տալիս եզրակացնել փաստաբանի վարքագծում առերևույթ խախտման հատկանիշների բացակայության մասին, քանի որ դրանք չեն հաստատվել վարույթի ընթացքում: Ըստ այդմ՝ յուրաքանչյուր կողմ պարտավոր է ապացուցել իր կողմից վկայակոչված հանգամանքները, կրում է դրանք ապացուցված չլինելու բացասական հետևանքները, իսկ փաստաբանի կատարած կարգապահական խախտման վերաբերյալ չփարատված կասկածները մեկնաբանվում են վերջինիս օգտին:

Վերոնշյալի հաշվառմամբ, Հանձնաժողովը գտնում է, որ կարգապահական պատասխանատվության հիմք չի կարող լինել միայն ենթադրյալ իրավախախտման մասին դիմողի պնդումը, որը հիմնավորված չէ այնպիսի հանգամանքների վկայակոչմամբ և (կամ) ապացույցներով, որոնք հաստատապես կվկայեն փաստաբանի կողմից Օրենքի կամ Կանոնագրքի պահանջների խախտման կատարման մասին:

Տվյալ դեպքում, փաստաբան Թեհմինե Հովսեփյանին վերագրում է բարձր մասնագիտական պատրաստվածություն չցուցաբերելու և բարեխիղճ իրավական օգնություն ցույց չտալու վարքագիծ:

Վերոգրյալի համատեքստում, Հանձնաժողովը անհրաժեշտ է համարում անդրադառնալ, մասնավորապես, հետևյալ հարցերին.

• արդյո՞ք Փաստաբանն ունեցել է բարձր մասնագիտական պատրաստվածություն և փիրապեպել է գործող օրենսդրության պահանջներին:



• արդյո՞ք Փաստաբանը բարեխիղճ իրավական օգնություն է ցույց տվել վստահորդին:

Օրենքի 19-րդ հոդվածի 1-ին մասի 1-ին և 2-րդ կետերի համաձայն՝ փաստաբանը պարտավոր է՝ ազնվորեն և բարեխիղճորեն պաշտպանել վստահորդի իրավունքները և օրինական շահերը Հայաստանի Հանրապետության օրենսդրությամբ չարգելված բոլոր միջոցներով ու եղանակներով, պահպանել Օրենքի, փաստաբանի վարքագծի կանոնագրքի և փաստաբանների պալատի կանոնադրության պահանջները:

Կանոնագրքի 2.7.1-րդ ենթակետի համաձայն՝ փաստաբանական գործունեության հասարակական-իրավական նշանակությունը փաստաբանից պահանջում է բարձր մասնագիտական պարաստվածություն, օրենսդրության իմացություն և գործնական փորձ, փաստաբանական գործունեության մարտավարության մեթոդների և միջոցների, ինչպես նաև հոեփորական արվեստի տիրապետում:

Կանոնագրքի 3.5.5-րդ ենթակետի համաձայն՝ փաստաբանը պարտավոր է վստահորդին իրավաբանական օգնություն ցույց տալիս իր մասնագիտական պարտականությունները կատարել ողջամտորեն, բարեխիղճորեն, որակավորված, սկզբունքայնորեն և ժամանակին, ինչը ներառում է՝

- ա. նյութերի ուսումնասիրությունը,
- բ. վերաբերելի իրավական ակտերի ուսումնասիրությունը,
- գ. վստահորդին վերջինիս հանձնարարության կատարման կապակցությամբ հնարավոր իրավական հետևանքների առաջացման մասին իրազեկումը,
- դ. վստահորդի հանձնարարության պարզաճ կատարման համար անհրաժեշտ գործողությունների կատարումը:

Նշված կանոններով փաստաբանի համար սահմանվում են որոշակի պարտականություններ, այն է՝ ելնել վստահորդի նպաստավոր շահերից և բարեխիղճորեն և ժամանակին պաշտպանել վստահորդի իրավունքներն ու օրինական շահերը: Ընդ որում, խոսքը վերաբերում է այնպիսի գործողությունների կատարմանը, որոնք փաստացի կարող են արդյունավետ լինել վստահորդի իրավունքների, ազատությունների և օրինական շահերի պաշտպանության պատշաճ ներկայացման համար:

Փաստաբանի մասնագիտական բարձր որակավորումը և իր պարտականությունների բարեխիղճ կատարումը փաստաբանության ինստիտուտի հանրային ընկալման առանցքային տարրերից են, որոնց բացակայությունն արժեզրկում է փաստաբանի՝ որպես իրավապաշտպան և արդարադատության կայացմանը նպաստող գործառույթներ իրականացնող անձի հասարակական նշանակությունը:

Իրենց գործառույթներն իրականացնելիս փաստաբաններն ունեն ոչ միայն իրավունքներ, այլ նաև առանձնահատուկ պարտականություններ և պարտավորություններ իրենց վստահորդների և դատարանների առջև:

ՄԱԿ-ի 1990թ. «Փաստաբանների դերին վերաբերող հիմնարար սկզբունքներ»-ի մասին փաստաթղթի համաձայն, փաստաբանների պարտականությունների մեջ է մտնում, inter alia, «**իրենց վստահորդներին բոլոր պատշաճ միջոցներով օգնելը, և նրանց շահերը պաշտպանելու ուղղությամբ իրավական գործողություններ ձեռնարկելը**» (կետ 13(բ)), իսկ իրենց վստահորդների իրավունքները պաշտպանելիս ու արդարադատության



իրականացմանը աջակցելիս պարտավոր են պաշտպանել ազգային և միջազգային իրավունքով պաշտպանված մարդու իրավունքները և հիմնարար ազատությունները, և պետք է մշտապես գործեն ազատորեն և ջանասիրաբար՝ օրենքի և իրավաբանի մասնագիտության ճանաչված սկզբունքների և էթիկական նորմերի համաձայն (կետ 14):

Եվրոպայի խորհրդի նախարարների կոմիտեի «Փաստաբանի մասնագիտական գործունեության ազատության մասին» 25.10.2000թ. Rec(2000)21 հանձնարարականի համաձայն, **փաստաբանները իրենց վստահորդների առջև պարտավոր են ձեռնարկել իրավական գործողություններ իրենց վստահորդի իրավունքները և շահերը պաշտպանելու, հարգելու և իրացնելու ուղղությամբ** (կետ 3(գ)):

Եվրոպայի փաստաբանների միությունների և իրավական համայնքների խորհրդի (CCBE-ի)՝ Եվրոպական փաստաբանների վարքագծի կանոնակարգի համաձայն՝ **փաստաբանը պետք է իր վստահորդին խորհրդակցի և նրա շահերը ներկայացնի «արագորեն, բարեխղճորեն և ջանասիրաբար», և փաստաբանը պետք է անձնական պատասխանատվություն վերցնի իր վրա վստահորդի հրահանգները կատարելու ուղղությամբ, և պետք է իր վստահորդին տեղեկացված պահի այն խնդրի զարգացումների մասին, որը նրան վստահվել է** (կետ 3.1.2.):

Հանձնաժողովը չի կարող սահմանել այն անհրաժեշտ գործողությունների ծավալը, որը փաստաբանը պարտավոր է կատարել, քանի որ յուրաքանչյուր գործով կարող է այն տարբեր լինել՝ ելնելով տվյալ գործի առանձնահատկություններից և հանգամանքներից: Սակայն գոյություն ունի գործողությունների որոշակի նվազագույն չափ, որը ողջամիտ, անաչառ դիտորդի տեսանկյունից փաստաբանը պարտավոր է կատարել իր վստահորդի կենսական շահերի և հիմնական իրավունքների պաշտպանության ուղղությամբ, ինչը և կվկայի առնվազն փաստաբանի բարեխղճության առերևույթ առկայության մասին: Այս առումով, փաստաբանի մասնագիտական բարեխղճության չափանիշներ է սահմանում Կանոնագրքի 3.5.5 ենթակետը, որը նախատեսում է փաստաբանի կողմից վստահորդի հանձնարարության բարեխիղճ կատարման հետևյալ պայմանները՝

1. *իրավունքի համապատասխան ճյուղի իմացություն.*

2. *վստահորդի հանձնարարությանը վերաբերող բոլոր հանգամանքների ուսումնասիրություն.*

3. *հանձնարարության պատշաճ կատարման համար անհրաժեշտ գործողությունների կատարում:*

Իրավունքի համապատասխան ճյուղի իմացությունը նշանակում է բավարար իրազեկվածություն ոչ միայն իրավունքի տվյալ ճյուղի նորմերի և դրանցով կարգավորվող հասարակական հարաբերությունների վերաբերյալ, այլև դրանք համադրելու, վերլուծելու, դրանցում վստահորդի շահերից բխող բացերի իմացություն, մի քանի իրավական լուծումների մեջ վստահորդի շահերին լավագույնս համապատասխանող լուծման ընտրություն և իրավունքի տվյալ ճյուղից բխող պրակտիկայի իմացություն, այդ թվում իրավասու մարմինների կողմից իրավունքի տվյալ ճյուղի նորմերին տրվող գործնական մեկնաբանության և կիրառման առանձնահատկությունների վերաբերյալ:

Վստահորդի հանձնարարությանը վերաբերող բոլոր հանգամանքների ուսումնասիրության փաստաբանի պարտականությունը նշանակում է վստահորդի խնդրին առնչվող բոլոր փաստերի ուսումնասիրություն և վերլուծություն:

Հանձնարարությունների պատշաճ կատարման համար անհրաժեշտ



գործողությունների կատարման պարտականությունն արդեն վերոնշյալ երկու պարտականություններից ուղղակիորեն հետևող գործողությունների կատարումն է, ինչը ենթադրում է փաստաբանի մոտ վստահորդի խնդրի վերաբերյալ անհրաժեշտ պատկերացման ձևավորում և իրավունքի համապատասխան ճյուղի շրջանակներում դրա լուծման ուրվագծում, վստահորդի շահերի սպասարկման արդյունավետ ուղիների ու եղանակների կանխատեսում, որի հիման վրա փաստաբանը պարտավոր է ձեռնարկել համապատասխան և համարժեք իրավական և փաստացի միջոցներ, որոնք պետք է լինեն իրական և արդյունավետ, այլ ոչ թե ձևական և պատրանքային:

Հանձնաժողովը, գնահատելով կարգապահական գործում առկա ապացույցները, կողմերի բացատրությունները, դրանց փոխադարձ համադրությամբ հաստատված փաստական հանգամանքները, ինչպես նաև Փաստաբանի վարքագծի իրավական գնահատման համար նշանակություն ունեցող բոլոր տվյալները, գալիս է այն եզրահանգման, որ սույն գործով Փաստաբանի վարքագծում առկա են Օրենքի 19-րդ հոդվածի 1-ին մասի 1-ին և 2-րդ կետերի, ինչպես նաև Կանոնագրքի 2.7.1 և 3.5.5 ենթակետերի պահանջների խախտման հատկանիշներ: Սույն եզրահանգման հիմքում դրված է այն, որ Փաստաբանը, ստանձնելով Դիմողի շահերի պաշտպանությունը, չի ցուցաբերել տվյալ գործի բնույթին և նպատակին համարժեք մասնագիտական պատրաստվածություն և, դրա հետևանքով, վստահորդին չի ցուցաբերել այնպիսի իրավաբանական օգնություն, որը կհամապատասխաներ վերը նշված չափանիշներին:

Հանձնաժողովը նախ արձանագրում է, որ փաստաբան Թեհմինե Հովսեփյանը ստանձնել է Էրիկ Ավանեսյանի շահերի պաշտպանությունը՝ 15.09.2022թ. և 25.11.2022թ. կնքված փաստաբանական ծառայությունների մատուցման պայմանագրերի հիման վրա: Այսինքն՝ Փաստաբանի և Դիմողի միջև առկա է եղել փաստաբանական ծառայությունների մատուցման իրավահարաբերություն, որի շրջանակներում Փաստաբանը պարտավոր էր իր մասնագիտական գիտելիքներն ու կարողությունները ծառայեցնել վստահորդի իրավունքների և օրինական շահերի արդյունավետ պաշտպանությանը: Միաժամանակ գործի նյութերից հետևում է, որ հենց այդ իրավահարաբերության իրականացման ընթացքում են ձևավորվել այնպիսի փաստեր, որոնք վկայում են ոչ պատշաճ իրավաբանական օգնության մասին:

Հանձնաժողովի գնահատմամբ՝ սույն գործով հաստատված փաստական տվյալները վկայում են, որ Փաստաբանը, ստանձնելով վստահորդի շահերի պաշտպանությունը, չի իրականացրել գործի այնպիսի նախնական և շարունակական իրավական վերլուծություն, որը թույլ կտար ընտրել վստահորդի իրավունքի պաշտպանության պատշաճ, իրավաչափ և արդյունավետ միջոցը: Մասնավորապես, գործում հաստատված է, որ 07.11.2022թ. Փաստաբանի կողմից դատարան ներկայացված հայցադիմումը, որով պահանջվել է վավեր ճանաչել 14.02.2018թ. կնքված առուվաճառքի պայմանագիրը և որպես հետևանք ճանաչել Դիմողի սեփականության իրավունքը, հետագայում դատարանի կողմից գնահատվել է որպես ակնհայտ անհիմն: 10.01.2025թ. դատարանը հայցը մերժել է՝ ուղղակիորեն արձանագրելով, որ ձևակերպված հայցապահանջը ներկայացված փաստակազմով ակնհայտ անհիմն է: Այս հանգամանքը Հանձնաժողովի համոզմամբ ունի էական նշանակություն, քանի որ այն վկայում է ոչ թե պարզապես դատավարական ենթարկման արդյունքի, այլ նախապես ընտրված իրավական միջոցի անհամապատասխանության մասին:



Բացի այդ, հաստատված է նաև, որ 25.11.2024թ. Փաստաբանը նույն իրավահարաբերությունից բխող հարցի շրջանակներում դատարան է ներկայացրել իրավաբանական նշանակություն ունեցող փաստը հաստատելու պահանջով դիմում, որը 06.12.2024թ. վերադարձվել է այն հիմնավորմամբ, որ պահանջվող փաստը նախատեսված չէ ոչ ՀՀ քաղաքացիական դատավարության օրենսգրքի 237-րդ հոդվածի 2-րդ մասով, ոչ էլ որևէ այլ օրենքով, հետևաբար՝ նման պահանջով դիմումը չէր կարող ընդունվել վարույթ: Դատարանը փաստացի արձանագրել է, որ ընտրված դատավարական միջոցն ինքնին օրենքով նախատեսված չէ: Հետագայում վերաքննիչ դատարանը ևս մերժել է այդ դատական ակտի դեմ բերված բողոքը՝ ուժի մեջ թողնելով առաջին ատյանի դատարանի մոտեցումը: Հանձնաժողովը գտնում է, որ երկու տարբեր դատավարական ուղիներով նույն վստահորդի իրավունքի պաշտպանության փորձերի արդյունքում արձանագրված նման դատական գնահատականները՝ մեկ դեպքում «ակնհայտ անհիմն», մյուս դեպքում՝ «օրենքով չնախատեսված պահանջ», արդեն իսկ բավարար են եզրակացնելու, որ Փաստաբանը չի դրսևորել տվյալ գործի համար անհրաժեշտ բարձր մասնագիտական պատրաստվածություն:

Հանձնաժողովը կարևորում է նաև այն, որ Կանոնագրքի 2.7.1 ենթակետով սահմանված բարձր մասնագիտական պատրաստվածության պահանջը միայն տեսական գիտելիքի կամ ընդհանրական փորձի պահանջ չէ: Այն ենթադրում է, որ փաստաբանը յուրաքանչյուր կոնկրետ գործով պետք է կարողանա ճիշտ նույնականացնել իրավահարաբերության բնույթը, տարբերակել նյութական և դատավարական պաշտպանության հնարավոր միջոցները, գնահատել ընտրվող քայլերի իրավական հետևանքները, ինչպես նաև կանխատեսել դրանց արդյունավետությունը: Սույն գործով, սակայն, Փաստաբանի կողմից կիրառված իրավական միջոցների հաջորդականությունը հակառակը ցույց է տալիս. նախ ընտրվել է այնպիսի հայցապահանջ, որը դատարանի կողմից գնահատվել է որպես ակնհայտ անհիմն, ապա ընտրվել է այնպիսի հատուկ վարույթի միջոց, որը դատարանը համարել է օրենքով չնախատեսված: Այս համատեքստում Հանձնաժողովը փաստում է, որ գործով դրսևորված մասնագիտական մոտեցումը չի բավարարել Կանոնագրքի 2.7.1 ենթակետի պահանջներին:

Միաժամանակ Հանձնաժողովը գտնում է, որ սույն դեպքում Կանոնագրքի 2.7.1 ենթակետի խախտումը իր բնույթով և բովանդակությամբ հանգեցրել է նաև Կանոնագրքի 3.5.5 ենթակետի խախտման: Այս եզրահանգումը բխում է այն տրամաբանական և իրավական կապից, որ վստահորդին ողջամիտ, բարեխիղճ և որակավորված իրավաբանական օգնություն հնարավոր է ցուցաբերել միայն այն դեպքում, երբ փաստաբանը նախ դրսևորում է պատշաճ մասնագիտական պատրաստվածություն: Այլ կերպ ասած՝ եթե փաստաբանը բավարար չափով չի ուսումնասիրում նյութերը, չի նույնականացնում ճիշտ իրավական խնդիրը, չի ընտրում պատշաճ դատավարական միջոցը և չի գնահատում դրա իրավաչափությունը, ապա նա արդեն իսկ չի կարող վստահորդին ցուցաբերել է որակավորված և բարեխիղճ իրավաբանական օգնություն: Հետևաբար, տվյալ գործով բարձր մասնագիտական պատրաստվածություն չունենալը իր անմիջական արտահայտությունն է ստացել նաև վստահորդին ոչ պատշաճ իրավաբանական ծառայություն մատուցելու մեջ:

Հանձնաժողովը հաշվի է առնում նաև այն, որ Փաստաբանը բացատրություններում նշել է, թե ինքը կատարել է աշխատանք, անգամ որոշ դեպքերում ինքն է վճարել պետական



տուրքը, ինչպես նաև պնդել է, որ գործով որոշակի քայլեր ձեռնարկվել են: Սակայն կարգապահական պատասխանատվության հարցը լուծելիս Հանձնաժողովը գնահատում է ոչ միայն այն, թե արդյոք որևէ գործողություն ընդհանրապես կատարվել է, այլ այն, թե կատարված գործողությունները որքանով են համապատասխանել մասնագիտական պատշաճության, իրավական հիմնավորվածության և վստահորդի շահերի արդյունավետ պաշտպանության պահանջներին: Միայն գործողություն կատարելու փաստը դեռևս բավարար չէ այն եզրակացության համար, որ իրավաբանական օգնությունն իրականացվել է պատշաճ կերպով: Այս համատեքստում, Հանձնաժողովը հաշվի է առնում այն հանգամանքը, որ Դիմողի ներկայացուցիչը չլինելով իրավաբան, խնդիրը կարողացել է լուծել արտադատական կարգով, ինչը լրացուցիչ վկայում է, որ Փաստաբանը չի ընտրել վստահորդի շահերի պաշտպանության արդյունավետ միջոց:

Հանձնաժողովը հատուկ ընդգծում է նաև, որ 2022 թվականից սկսած փաստաբանի կողմից ստանձնված հանձնարարության կատարման ամբողջ ընթացքում գործի նյութերով չի հաստատվում վստահորդի շահերին ծառայող որևէ այնպիսի օգտակար գործողություն, որը հնարավոր լիներ գնահատել որպես պատշաճ մասնագիտական պաշտպանության դրսևորում: Ընդհակառակը, գործով արձանագրված է դատավարական այնպիսի քայլերի հաջորդականություն, որոնք կամ հանգեցրել են ակնհայտ անհիմն գնահատված հայցի մերժման, կամ օրենքով չնախատեսված պահանջով դիմումի վերադարձի: Հանձնաժողովի գնահատմամբ՝ երբ մի քանի տարվա ընթացքում փաստաբանի գործունեությունը չի հանգեցնում ոչ միայն ցանկալի, այլև առնվազն իրավաչափ և արդյունավետ ընթացքի, այդ հանգամանքն ինքնին դառնում է լրացուցիչ ցուցիչ այն բանի, որ փաստաբանական օգնությունը չի ցուցաբերվել պահանջվող մասնագիտական պատրաստվածության համապատասխան:

Այսպիսով, Հանձնաժողովը գալիս է այն եզրահանգման, որ Փաստաբանը ստանձնելով Դիմողի շահերի պաշտպանությունը, չի դրսևորել Կանոնագրքի 2.7.1 ենթակետով պահանջվող բարձր մասնագիտական պատրաստվածություն, ինչը հանգեցրել է նաև Կանոնագրքի 3.5.5 ենթակետի խախտման: Հետևաբար, Փաստաբանի վարքագծում առկա են Օրենքի 19-րդ հոդվածի 1-ին մասի 1-ին և 2-րդ կետերի, ինչպես նաև Կանոնագրքի 3.5.5 և 2.7.1 ենթակետերի խախտման պահանջների խախտման հատկանիշները:

8. Կարգապահական տույժի ընտրությունը.

Օրենքի 39.10 հոդվածի 1-ին մասի համաձայն՝ փաստաբանի կարգապահական պատասխանատվության հարցը քննելուց հետո փաստաբանների պալատի կարգապահական հանձնաժողովը կարող է փաստաբանի նկատմամբ կիրառել կարգապահական տույժերի հետևյալ տեսակներից մեկը, բացառությամբ սույն հոդվածի 3-րդ մասով նախատեսված դեպքի.

1) նկատողություն.

2) խիստ նկատողություն.

3) լրացուցիչ վերապատրաստման դասընթացներին մասնակցել.

4) տուգանք.

5) փաստաբանի արտոնագրի գործողության դադարեցում:

Օրենքի 39.10 հոդվածի 2-րդ մասի համաձայն՝ փաստաբանի նկատմամբ կիրառվող կարգապահական տույժը պետք է համաչափ լինի կատարված խախտմանը:



Կարգապահական տույժ կիրառելիս փաստաբանների պալատի կարգապահական հանձնաժողովը հաշվի է առնում նաև խախտման հետևանքները, փաստաբանի անձը, մեղքի աստիճանը, առկա տույժերը, փաստաբանին բնութագրող ուշադրության արժանի այլ հանգամանքներ:

Հանձնաժողովը հաշվի է առնում նաև փաստաբան Թեհմինե Մերուժանի Հովսեփյանի անձը բնութագրող հանգամանքները՝ այդ թվում նաև կարգապահական տույժերի բացակայությունը, ինչից ելնելով նրա նկատմամբ կիրառում է ամենամեղմ՝ «նկատողություն» կարգապահական տույժի տեսակը:

Ելնելով վերոշարադրյալից և ղեկավարվելով «Փաստաբանության մասին» օրենքի 11.1-րդ հոդվածի 3-րդ մասի 1-ին կետի, 39-րդ հոդվածի 1-ին մասի, 39.7.-րդ հոդվածի 5-րդ մասի 1-ին կետի, 8-րդ մասի և 39.10.-րդ հոդվածի 1-ին մասի 1-ին կետի պահանջներով, Հանձնաժողովը՝

Ո Ր Ո Շ Ե Ց՝

1. Փաստաբան Թեհմինե Մերուժանի Հովսեփյանի (արտոնագիր՝ թիվ 1214) նկատմամբ կիրառել կարգապահական տույժ՝ նկատողություն՝ Օրենքի 19-րդ հոդվածի 1-ին մասի 1-ին և 2-րդ կետերի, ինչպես նաև Փաստաբանի վարքագծի կանոնագրքի 2.7.1 և 3.5.5 ենթակետերի պահանջների խախտման համար:

2. Հանձնարարել Հանձնաժողովի նիստերի քարտուղարին՝ սույն որոշման մասին իրազեկել կողմերին:

Ծանոթություն. Սույն որոշումը կարող է բողոքարկվել ՀՀ փաստաբանների պալատի խորհուրդ կամ դատական կարգով այն ստանալու օրվանից մեկամսյա ժամկետում: Սույն որոշումն ուժի մեջ է մտնում այն Փաստաբանի կողմից ստանալու հաջորդ օրվանից:

**ՀՀ փաստաբանների պալատի
կարգապահական հանձնաժողովի
նախագահ՝**



Տաթևիկ Շալջյան

**Թիվ ԿԳ-25083-3-Ա
14 հունվարի 2026թ.
ք.Երևան**